



МЕСЯЦА ОКТЯБРЯ В 31-й ДЕНЬ

**Святых апостол Стахія, Амплія, Апеллия,
Аристовула, Наркісса, Урвана
и святого мученика Епимаха**

На Господи, воззвах. стихиры апостолов, глас 1.

Подобен: Всехвальнии мученицы:

Во всю протечé зéмлю / ваше спасительное
вещáние, / Господни апóстоли, / сиянием благода-
ти озаряющее всех сердца, слáвнии, / и разоря-
ющее прéлести омрачение. / Темже молитесь /
даровáти душáм нашим мир и вéлию милость.

Стахій всеблаженный, / Христов проповедник
и апостол, / и Апеллий чудный, и Аристовул, /
Урван, Амплій, и Божественный Наркісс, / Тро-
ицу Всесвятую проповéдавшие, / язýки просвети-
ща и от рабóты избáвища, / яже верою вси
ублажим.

Светильницы Христовы пресвётлии, / сосуди
чистейшии, / всю зарю Дýха верою вместивше, /
церковнии столпí, Небеса преславная, / славу
Божью повéдающе. / Того молíte даровáти ду-
шáм нашим мир и вéлию милость.

Йны стихиры мученика, глас 4.

Подобен: Яко дóбля:

Дохновением Духа Святого, Епимáше, / жили-
ще явился еси Божéственно, славне, / и, от Него
дéйство приём врачевáний, / болящим богато
здравие подавáеши, / присно зовúщим: / Иисусе
Жизнодáвче, / Ты еси весéлие же, и слава Твоих
мучеников, и похвалá.

Дерзновением проповедал еси истину, славне, / яко Христов воин законнейший, / не убоясь судящаго ярости зверския, / поклонение богом не сущим повелѣвша, / егоже посрамил еси Богодухновенными твоими словесы, страсто-терпче, / и проповедал еси всем Сущаго над всеми Бога нашего.

Яко красны нѳги твоя, мучѣния украсишася / путь проити невозвратно / и, убо скончав течение твое, веру соблюл еси / и венец от руки Владычни приѣл еси. / Егоже моли от тли и бед избавитися / верою творѣщим пречестную память твою.

Слава, и ныне,
Богородичен, подобен тойже:

В землю низвержен бых, грехи умертвихся, / душевными страстьми и телесными, / темже тьмою покрываюся отчаяния. / Но воздвигни мя ныне, к жизни нетленней наставляющи мя / и Вышнему Отечеству, идеже глас чист празднующих, / Пресвятая Богоневесто.

Крестобогородичен:

Агнца и Пастыря Тя на Древе яко виде, / Агница рождающая рыдаше и матерски Тебе вещающе: / Сыне Возжеленне, како на Древе Крестнем повешен еси, Долготерпеливе? / како руке и нѳзе Твои, Слове, пригвоздишася от беззаконных / и кровь Твою излиѣл еси, Владыко?

Тропарь, глас 3:

Апостоли святѣи, / молите Милостиваго Бога, / да прегрешений оставление / подаст душам нашим.

Слава, мученику, глас 4:

Мученик Твой, Господи, Епимах, / во страдании своем венец прият нетленный от Тебе, Бога нашего: / имеяй бо крепость Твою, / мучителей низложи, / сокруши и демонов немощныя дерзости. / Того молитвами / спаси души наша.

И ныне, Богородичен или Крестобогородичен.

НА УТРЕНИ

Един канон Октоиха. И святых два.

Канон апостолов, егоже краегранесие: Верно похвалю
Божия слуги. Иосиф. Глас 1.

Песнь 1

Ирмос: Твоя победительная десница / Боголѣпно в
крѣпости прослѣвися: / та бо, Безсмѣртне, / яко всемогущая
протѣвняя сотрѣ, / израильтяном путь глубины
новосодѣлавшая.

Верою почитающия вашу, священнии благо-
глаголивии, память / и торжествующия
радно, / страстѣй мглы избавите и вечныя
радости причастники соделайте.

Стопамъ последующе Христа, воплощеннаго за
милосердие, пребогати, / Сего же повелением
Богоначальнымъ служаще, / явѣстеся всех заб-
луждшихъ наставницы к благочестию.

Стахи́я и Амплія мудраго, и Урва́на, Апѣллія
же, и Наркі́сса, и Аристоу́ла, / Христовы учени-
ки бывшия, / верою сошедшеся, до́лжно ублажимъ.

Богородичен:

Явственную го́ру Божию, кивотъ святыи и
трапѣзу, / стѣмну же всезлатую, чистую Иисусову
палату, / Благословенную в женахъ ублажимъ.

Ин канон мученика. Глас 4.

Песнь 1

Ирмос: Воспою Тебе, Господи Боже мой, / яко извел еси
люди из рабѣты егѣпетскія, / покрылъ же еси колесницы
фараоновы и силу.

Воспою Тебе, Господи Боже мой, / яко показал
еси намъ память мученика, озаряющую всяческая, /
яко един Многомилостив.

Воспою Тебе, Господи Боже мой, / яко непобе-
дима Твоего показал еси мученика, / поборника в
мученицехъ на безбожие.

Воспою Тебе, Господи Боже мой, / яко дарова́-
нии Божественными Твоего страдальца украсилъ
еси, Епима́ха, / и честию венчалъ еси.

Богородичен:

Воспою Тебе, Господи Боже мой, / яко безсе-
менно из утробы Девы родился еси, / Еяже ради
и спасаеши вся, яко един Многомилостив.

Песнь 3

Ирмос: Еди́не ве́дый челове́ческаго существа́ не́мощь / и ми́лостивно в не вообра́жся, / препоя́ши мя с вы́соты си́лою, / я́же вопи́ти Тебе, Святы́й: / одушевле́нный хра́ме неизрече́нных славы Твоея, Человеколю́бче.

Яко клас многоплоден, мудре, явился еси, / словом знания, гладом та́ющая веры пита́я, Стахи́е Богоблаженне, / и пи́щи лучши́я прича́стники благодатию соде́лав / си́лою Духа.

Мре́жею языка, благоестественно взем, уловил еси из глубины́ лести, апостоле, / и принесл еси Божественно пи́щу пришедшему, Наркиссе, / спасти заблуждшаго, Царю́ и Влады́це тва́ри.

Потекл еси, якоже звезда от востока, устремився и Вретанийския гра́ды постигл еси, / Христово проповедуя Евангелие и просвещая благодатию, блаженне Аристову́ле, / верно приема́ющая слово твое.

Богородичен:

Черто́г светоносен Христов и престол высочайший, Богородительнице, / явилася еси, Всенепорочная: / в Тебе бо Един почи́в, наша отъя́т труды́ / и будущую достойным уго́това осла́бу.

Ин

Ирмос: Лук си́льных изнемо́же / и немо́щству́ющи препоя́сашася си́лою: / сего ради утверди́ся в Господе се́рдце мое.

Суровство́ нечестивых омрачи́л есть, / всехвальным Крестом хваля́ся, / непобедимый венценосец Христов, мученик Епима́х.

Славу презре́в привре́менную и к подвиго́м совлекся, / радовашеся Богомудры́й и наследник Христов, / мученик Епима́х.

Богородичен:

Раду́йся, Мати Приснодево, / Бога Слова во чре́ве Твоем вмести́вшая и ро́ждшая воплощеннаго / яко Бога кúпно и Человека.

Кондак мученику, глас 4.

Подобен: Явился еси:

Многообразны́я раны претерпел еси / и венец прием от Христа Бога, / Ему́же о нас моли́ся, блаженне Епимаше, / верно совершающих па́мять твою, да спасет души́ наша.

Седален апостолов, глас 1.

Подобен: Гроб Твой, Спасе:

Протечé зéмлю честнóе ваше вещание, просвещающее дúши неверных человек, апостоли славнии, / священными ходáтайствы вашими. / Тем днесь радостно совершаем всечестную и светозарную вашу память, / верно веселящеся.

Слава мученика, глас 3.

Подобен: Божественныя веры:

Столп одушевлén, Истины свидетель был еси во страдании, / невидимыя врагí победív видимыи мучители, всеизрядне, / от Христа венец прием. / Темже зовем ти: / не престай моляся, славне, / даровáти нам велию милость.

И ныне, Богородичен:

Божественнаго естества не отлучívся, плоть быв во чреве Твоем, / но Бог вочеловéчився и пребысть, / Иже по рождестве Матерь Тя, Деву, яко прежде рождества, сохранив Всенепорочную, / един Господь. / Того прилежно моли даровати нам велию милость.

Крестобогородичен:

Нескверная Агница, Слова, Нетленная Дева, Мати, / на Кресте зрящи повешена, из Нея без болезни прозябшаго, / мáтерски подобно рыдающе, вопиаше: / увы Мне, Чадо Мое, како страждещи волею, / хотя избавити от страстéй безчестия человека.

Песнь 4

Ирмос: Гóру Тя, благодáтию Божию приосенéнную, / прозорлívыма Аввакúм усмотрív очíма, / из Тебе изыти Израилеву / провозглашáше Святому, / во спасение наше и обновление.

Облистáв на землí правды Солнце, / якоже лучи тáинственныя происпустí яве, / Стахíя же и Наркíсса, Урвáна и Амплíя, Аристовúла и Апéллия, / сущих во тьме просвещающия.

Крепостию Божественнаго укрепляемъ Духа, / живущия во тьме сýны показал еси света, Амплíе апостоле, / совершая чудес делá преславная и упражднýя дéмонов полкí.

Вод Божественных испóлнен, / потекл еси яко-

же струя, Урване, спасительная, / горькия и непитныя воды отгоняя, / и напаяя благодатию благочествующих, преблаженне, полноту.

Богородичен:

Явилася еси Ангелов преимущи, Владычице. / Оним бо Страшнаго во утробе несказанно вместити сподобилася еси / и на руках носити якоже Младенца дней же и лет древнейша.

Ин

Ирмос: Твоего на земли явления, Христе Боже, / проповедавая пророк пришествие, / с веселием вопияше: / слава силе Твоей, Господи.

Безбожных нерадив прещения, к подвигом ополчйся, / дерзновенно вопия, благославный Епимах: / слава силе Твоей, Господи.

Земная оплевав, смертью Царство наследова славный Епимах, / верно вопия: / слава силе Твоей, Господи.

Иже со Отцем и Духом славословимаго в Вышних / добropобедный Епимах на тризници Господа всем невѣдущим проповеда.

Песнь 5

Ирмос: Просветивый сиянием / пришествия Твоего, Христе, / и осветивый Крестом Твоим мира концы, / сердца просвети светом Твоего Богоразумия / православно поющих Тя.

Пастыря добраго Богоизбранныя овцы / среди волков от Него яве послани быша, / сия укрощающе и приводяще ко ограде мысленней верою.

Великий ты Андрей Византии постави епископа, / иже тамо верно плавающая, Стахия священнейше, / и управляющаго к пристанищем тихим Божественною благодатию.

Якоже многоценен камень, ты имяше, краеугольный, Ираклийская честная Церковь, / укрепляющая, Апеллие блаженне, сию словом Истины. / Тем достойно почитаем тя.

Богородичен:

Зачала еси паче слова Слово и родила еси, Всепетая, / Егоже Отец из чрева роди прежде веков, Чистая. / Темже яко Сего Матерь Ты должно ублажаем.

Ин

Ирмос: Просвещѣние Твое, Господи, низпослѣ нам, / и от мглы прегрешѣний разреши ны, Блаже, / Твой мир даруй.

Защитѣвса благодати оружием Креста, / нечестивым вопиаше мученик: / меч же и огонь не отсечѣт мя Христовы любвѣ.

Благославный Епимáх, суди́щу предсто́я беззакóннующих, / вопиаше благодѣрзостне: / земли и Небесé бóзи несотворшии, нечестивии да погибнут.

Благославный Епимáх, от Бога вдохну́вса, / Отца, Слова и Святаго Духа во едином естествѣ / невѣдущим Троицу проповеда.

Богородичен:

Кто изреши возмо́жет Рождества Твоего, Чистая, / паче слова преславный образ, / естеством бо Бога воплощённа паче слова родила еси.

Песнь 6

Ирмос: Обы́де нас послѣдняя бѣдна, / несть избавляй, / вмени́хомся, яко о́вцы заколѣния, / спаси люди Твоя, Боже наш: / Ты бо крепость немощствующих и исправление.

Моря язýков возмутивше Божественными восхо́ждении, / спасóсте древле в гóрцем мóри потóпльшиися / и приведóсте Избáвителю спасшиися, Богоблаженнии.

Милости Волíteля Бога проповедал еси / и лѣсти свободил еси, Божественный Наркиссе, дýши благочестивых, / великий быв афíнян председатель и насадíteль садо́в красных, Богоблаженне.

Божественный Урвáн, слово жизноточное и благодать врачеваний источив, / привлечѣ люди к просвещению Божественнаго разума, / яко подражатель Воплотившагося и мир Спасшаго.

Богородичен:

Поем Тя, Еюже оправди́хомся, / иже пѣрвее осуждѣннии, и совокупи́хомся невестественным служителем, и рай сподóбихомся, / в жена́х благословенная, Богорадованная.

Ин

Ирмос: Возопі, прообразуя погребѣние триднѣвное, пророк Иона, / в ките моляся: / от тли избави мя, Иисусе, Царю Сил.

Оста́ви яже в мире и мир Епима́х, / и тело му́кам мужественно предаде́ за Владыку, / и Христов наследник бысть.

Упраздні́ йдо́лов леств́ Епима́х и славы сподобис́я истинны́я, / приѣм́ врачеваний́ благодать, от нихже́ вси верни́и почерпаем.

Приобщі́вся Христовымъ́ страстѣ́м Епима́х / силою́ распеншаго́ся плотию́ Христа́ Бога / и венцы́ славы́ от Него́ яко́ верен прият.

Богородичен:

Моли́ о рабѣ́х Твоихъ, Дево́ Богородице, / из Тебе́ воплощаго́ся Бога́ нашего, / яко́ Тя и еди́ну Предстательни́цу нашу́ вѣмы.

Кондак апостолов, глас 8.

Подобен: Яко́ начатки:

Яко́ священна́я сокрови́ща Всесвята́го Духа / и Солнца́ Славы́ сия́ния, по долгу́ воспо́йм мудры́я апосто́лы, / Апѣ́ллія, Урва́на же́ и Аристо́ву́ла, / Амплі́я, Наркі́сса и Стахи́я, / яже́ благодать́ собра́ Бога́ нашего.

Песнь 7

Ирмос: Тебе́ умно́у, Богородице, пещь / разсмотримъ, верни́и, / яко́же бо́ отро́ки спасѣ́ три превозносимы́й, / миръ́ обнови, во чре́ве Твоемъ́ всецѣ́л, / хвальны́й отцевъ́ Бог и препрославлен.

Терпениемъ́ напа́стей избави́стеся врага́, искушающа́го вы, / ту́чами же́ слова́ живото́наго, славни́и апосто́лы, весь́ угаси́сте пламе́нь ле́сти, зовуще́: / хвальны́й и превозносимы́й отецъ́ нашихъ́ Бо́же, благослове́н еси.

Пресветло́ и изрядно́ сове́щав еси / и совершено́ твоя́, Аристо́ву́ле, учени́ки, блаженне́, наказав еси, / яко́ Ипостасну́ю Мудро́сть име́я, ты́ наказу́юще хвальна́го возвещати́ / отцевъ́ Бога́ и препрославленна́.

Верныхъ́ священно́е совокупле́ние священнейши́ми гла́сы блажи́т тя, Апѣ́лліе, / кончи́ну бо́ блаже́нну́ имел еси, жити́е же́ Ангельско́е, / по́я всегда́ хвальна́го отцевъ́ Бога́ и препрославленна́.

Богородичен:

Избáви ны от напастей, и скорбей, и печалей различных, / и языков нашествия, Владычице Всепетая, / яко да Тя славим и Сыну Твоему взываем: / хвальный отец наших Боже, благословен еси.

Ин

Ирмос: Авраамстии иногда в Вавилоне отроцы / пещный пламень попраша, пёсньми взывающе: / отец наших Боже, благословен еси.

Со огнём леств попирая мужески, / Распёншемуся добропобедный вопияше Епимáх: / отец наших Боже, благословен еси.

Не убоясь пламене, ниже зверей дивиих, ниже мук непобедимый Епимáх, зовый: / отец наших Боже, благословен еси.

Со Отцем Слова и Всесвятаго Духа не вёдущим Епимáх проповедуя, взываше: / отец наших Боже, благословен еси.

Богородичен:

Неопальною купиною и росодательною пещию / Ты пронаписавшаяся, Мати Чистая, / несказанно бо родила еси воплощеннаго Христа Бога, Благословенная.

Песнь 8

Ирмос: В пещи отроцы Израилевы, / якоже в горниле, / доброту благочестия чистее злата блещахуся, глаголюще: / благословите вся дела Господня Господа, / пойте и превозносите во вся веки.

В мире, якоже молния, явистесь, Боговидцы, попадающе убо леств, / поюция же, сыны дне показующе, и вопиющия: / благословите вся дела Господня Господа, / пойте и превозносите во вся веки.

Сладкою солию твоих, Амплие, учений лести гнилость очистил еси. / Темже, чтуще тя, поем: / благословите вся дела Господня Господа, / пойте и превозносите во вся веки.

Да поется Стахий славный и Амплий, Апеллий же и Наркисс, / Урван же и всемудрый, вопийя верно, Аристовул: / благословите вся дела Господня Господа, / пойте и превозносите во вся веки.

Богородичен:

Тя и стѣну, и прибежище, и лѣствицу, / к высоте преводящу человечество, Всенепорочная Чистая, ведяще, зовем: / благословите вся дела Господня Господа, / пойте и превозносите во вся веки.

Ин

Ирмос: Во образе Ангела, / явльшагося в пещи огненной песнословцем / Христа Бога, пойте, отроцы, / священницы, благословите, / людие, превозносите во вся веки.

Победителя лѣсти показавшаго и беззаконных мужей, венценосца Епимаха, / пойте, отроцы, священницы, благословите, / людие, превозносите во вся веки.

Врача страстей и недугов, нам Даровавшаго, лютых, страстеносца Епимаха, / пойте, отроцы, священницы, благословите, / людие, превозносите Его во веки.

На земли память Епимаха, возвеличившаго Христа / и Тем исцелившаго различные недуги, / священнии, пойте и превозносите Его во веки.

Богородичен:

Неизреченно и безсеменно заченшую и рождшую Деву Христа Бога нашего, / пойте, дети, священницы, благословите, / людие, превозносите Ю во веки.

Песнь 9

Ирмос: Образ чистаго Рождества Твоего / огнепальная купина показана неопальная, / и ныне на нас напастей свирепеющую угасити, молимся, пещь, / да Тя, Богородице, / непрестанно величаем.

Да земныя концы, исполненные прелести борца и наполненные омрачения безбожия, / благодати светом озариши знания / Твоя спасительныя зарь, Щедре, / сим послал еси.

Явился еси тезоименно, славне, спасительный клас, пшеницу требующим носящ, / утверждение Богоразумия подающую и глады умнаго изимающую, / верою ты и любовь, священнопроповедниче, поющим.

Уста Божия быв, ритором языка неглаголивы показал еси / и из гортани вражия, Аристовуле, извлекл еси души, / и привел еси Господу спасены, совершенны познанием.

Небеса́ убо бы́ша Боговидна живу́ща, Божи́и апостоли, / и́же на земли́ чисто вас чтущия и искренно выну блажа́ция, / причастники вечныя сподобите свѣтлости.

Богородичен:

Но́сиши вся Нося́щаго и млекомъ пита́еши всемъ пищу́ Подаю́щаго. / Вѣлие и стра́шно, еже па́че ума́, Твое таинство, / кивоте честна́го священія, Дево Богородице, / тем Тя верою ублажаемъ.

Ин

Ирмос: Тя, невместимое Слово во утрóбу вместившую, / Небѣс прости́рнейшую и Херувимовъ сла́внейшую, / Богородице Чистая, песньми величаемъ.

Ты яко возлюбил еси совершенно и умрѣти за умѣршаго нас ради Христа. / Темже от Него в Вы́шнихъ ввóинился еси, мучениче, / Егоже со Отцемъ и Духомъ песньми величаемъ.

Ты яко на земли́ Спаса Бога исповѣдал еси предъ нечестивыми мучители верно; / ныне в вы́шнихъ от Него предъ Ангелы, свидетелю Епима́ше, / и от Отца и Духа славою венчался еси.

Богородичен:

Тя, светоносный облак, и Чистую и славную Деву и Матерь Божию, / Моисею я́вльшуюся таинственно на горѣ Сина́йстей неопалимую купину́, / в пѣниихъ величаемъ.

Светилен.

Подобен: Жены́, услы́шите:

Божественный Аристову́л и Стахийъ пребогаты́й, и Апѣллий Богомудрый, и Наркисс, / и Амплій, и Урванъ, всемудрый, / ныне от нас да почтутся яко Христовы апостоли, / и́миже мир от лѣсти многообразныя избавися.

Слава, и ныне, Богородичен:

Явилася еси преимúщи Херувимовъ, Всепетая, / Сядя́щаго бо на сихъ ра́менахъ, Пречистая Отроковице, / на объятиихъ Твоихъ носила еси и Младенца млекопита́ла еси. / Егоже прилежно моли о нас, поющихъ Тя, Богородицу воистинну.



**Преподобных Спиридо́на и Никоді́ма,
просфорников Печерских,
в Ближних пещерах почивающих**

Тропарь, глас 4:

Хлебы́ прино́сныя руками своими творя, / псалмопение непрестанное усты своими / яко жертву хвалы приноша́ше Го́сподеви, / со честны́м Никоді́мом, блаженне Спиридо́не, / с нимже молися Христу Богу о ду́шах наших.

Кондак, глас 3:

Да явиши разжженную твою ко Господу любовь, / чудне Спиридо́не, / разжегшуюся зело пещь / мантиею своею заграждаеши / и да покажеши источник вод дарований духа в тебе живуц, / одеждею своею, нося воду, / угашаеши пламень огненный, / тем, яко имея дерзновение ко Господу, / со блаженным Никоді́мом / молися присно о нас, поющих тя.

